

استدینا

نومرو ۲۴

بخشیه

۲۶ شباط ۱۳۲۴

در خاطر ایتکه باشلابور، و بو نقطه نظری یابه جنی اییلکی تحدید ایلیور .
 مؤلفی : « قادیلری بی لزوم تعمیقانه سوق ایده جک تبعاته اماله دن توق
 ایلملیدر، چونکه اونلر نه حکومتی اداره ایده جک، نه ده حرب ایده جکلردر »
 مطالعه سنده بولندریور. حالبوکه بو مطالعه کندیلکندن مجروحدر . فی الحقیقه
 قادیلر نه اداره حکومت ونه ده محاربه ایتمزلرسده اداره امور ایدنلری، محاربه بی
 استدکاری کبی سوق و اداره ایدرلر سه جهالتلرندن ویا فضل و عرفانلرندن
 نه کبی نتایج محدث ایدر ؟ ایسته محتاج تدقیق اولان مسئله بودر . فنهلونک
 بو بابده کی رأی دعوا مزه تمامیه مساعد وموافقدر .

محمد صالح

(مابعدی وار)

ازهار مطالعه

یکرمنجی عصر ابتدا سنده بریتانیا ایمپراطور لئی

امپه ریالیزمک بحرانی

یکی زه لاندن بویوک بریتانیاده ادخال اولنان بالمله اشیا دن آلتان رسمی یوزده اون
 تنزیل ایتمش، وقانادایه امتثالاً دیگر بعض مساعدات ده بخش ایله مشدر . نهایت
 قاب و ناتال مرکز حکومتی بوزده یکرمی بش راده سنده بر استفاده عمومی تأمین
 ایچون ، بعض مواد مستثنا اولق اوزره ، اجنبی امتعه سنه مطروح ویرکی بی
 بوراده ده تزیدد ایله مشدر .

مع هذا بو تعهداتک کافه سی مستملکات پارلمنتولرینک تصدیقنه معلق
 بر اقلیمش ایدی . حال بوکه مرکز حکومتک بو مساعداته مقابل بر امتیاز بخش
 ایتدیکی نظر دفته آلتجه بو تعهداتک پارلمنتولرجه تصدیق اولمش بیتمش برشی
 عد اولته مازدی ، شهه یوقدرکه ظرفیندن یالکیز مستملکاتک تعهداتی شامل
 اولان شو مساعداته مستملکات مدت مدیده تحمل ایتییه جکلردی . قانادا
 مرخصلری بونی یکی بر خطرله ایله و کندیلرینه مخصوص اولان وضوح وسلاستله
 افاده ایله مشلردی : « قانادا مرخصلری رجحانی تجارت اساسی تصدیق یولنده

بر قرار اتخاذ ایدلسنی قونفهرانسه تکلیف ایتمکی قرارشدیرمشلردر. بوقرارک
 عموم مستملکات طرفندن مظهر قبول اولسنی الزم عدایله مشلردر. مع هذا
 حکومت ایمپراطوریه نکه ده بالمقابله مستملکات امتعه سنه قارشو بر رجحان معامله سنی
 قبول ایتمسنی لابد کوررلر. قانادا مرخصلری ارزو ایدرلرکه مستملکات طرفندن
 رجحان تجاری اساسنک ده واسع بر صورتده قبولی و ام الوطنک مستملکات
 امتعه سندن آلدینی کرک رسومی یاقینده عفو ایدرک بو اساسی تطبیق ایده جکی
 حقنده کی ارزوی قطعیسی و انتظاری ایجه اکلاشلسون. اگر، ایمپراطورلنک
 مالی پولتیقه سنده بو اصلاحاتی اجرا ایچون ابراز غیرت ایتدکدن صکره قانادا
 حکومتی رجحان اساسنک بالعموم مستملکات طرفندن ویا ام الوطن جانبندن
 قبولی ممکن اولمدیغنی اکلارسه او زمان لزوم کوره جکی تداییری اتخاذ حقنه
 مالک اوله جقدر.

بویله جه انکلتزه مملکتنده سربسقی تجارتک و مستملکاتنده اصول حمایه نکه
 فوائدندن مدت مدیده استفاده ایده میه جکدر. بو ایکی اصولدن برنی انتخاب
 ایده جکدر. اگر اصول حمایه نی ترجیح ایده جک اولورسه مستملکات پک
 اوزاقلره قدر اونی سور و کلیه جکدر. بو بایده یالکر قونفهرانسنک قرارینی ذکر
 ایتمک کافیدر. بونده «ایستر حکومت ایمپراطوریه طرفندن، ایستر حکومت محلیه
 جانبندن منعقد بالجمله مقاولانده ممکن مرتبه ایمپراطورلق محصولاتنک اجنبی
 محصولاتنه ترجیحی ارزو اولنور» دنیلمشدر.

موسیو سه دون طرفندن تکلیف ایدیلوب مستملکات حکومتلریله مرکز
 حکومت طرفندن نظر دقی جلب ایدیلان بر قرار دهاه مهمدر:

«مرکز حکومت ایله مستملکات اره سنده یا خود بر مستملک دیگری بیننده
 سیرسفان حقی بو کبی سیرسفانک کندی کیلیرینه حصر و تخصیص ایدن مملک
 ایچون رد ایتمه لیدر. ایمپراطورلق تجارتی بریتانیا بیراغی آلتده تسهیل ایتمک
 ایچون دیگر بعض تداییر اتخاذ ایدیلوب ایدلسدیکنی اکلامق ایچون علی العموم
 سیرسفانه عائد نظاماتی تدقیق ایله ملیدر» بو تدایردن بر دانه سنی قونفهرانس

دیگر بر قرار یله مساعرهٔ بیان ایله مکده در . بو قرارده مختلف پوسته مقاولاتی
تدقیقه حکومتلر دعوت ایلمکده و پریم اصولیله اجنبی مملکتلرده حصوله کان
ترقیات کوسترلمکده در .

اصول حمایه تجارتدن وسیر سفانندن مالییه سرایت وتوسع ایدر . اوسترالیا
حکومتی مستملکات استقراضاتی تحویلاتنه مطروح پول رسمنک مرکز حکومت
طرفندن تنزیلی و اجنبی حکومتلری تحویلاتندن آلمان رسمنک ده خفیف
طوتلمسفی ارز و ایدر . مستملکات کثرتله استقراض عقد ایدر لر . سیر (ادموند
بارتون) . نظرأ بوامتیاز مالی ، مستملکاتنک مرکز حکومت تجارتنه بخش ایتدکاری
مساعدا تنک مقابلی اولمش اولور .

امتیازات رسومیه و مالییه ، سیر سفاننک احیاسی ، والحاصل تام بر اصول حمایه
و اصول حمایه ایله برابر رفیق غیر مفارقی اولان étatisme — که حکومت طرفندن
یکی تلغراف قابلوری تأسیسی حقنده کی تکلیف ایله قونفرانسنده ظهور ایتمشدی —
ایشته مستملکات امپریالیزمنک (لسه فر — لسه پسه) وادیسنده یاشاق ایسته دکاری
شی . ایشته ۱۹۰۲ سنه سی مستملکات قونفرانسنک استحصال ایلدی یکی نتایجک
توسع و تمادیسنی استرسه انکلترونک حلقه مجبور اولدینی مسئله !

عینی زاده

۷ شباط ۳۲۴

حسن تحسین

اجمال داخلی

مانیاسی زاده رفیق بک مرحوم — فرقه منازعه لری — غزته لرنز — یکی بر فرقه —
منحل استانبول مبعوثلغی — مجلسده ایلاک تنسیقات لایحه سی — قدس شریف بطریق قلکی —
قیصری حادثه سی — بصره احوالی .

در سعادت : ۲۵ شباط ۱۳۲۴

وطننک ، ملتنک ، مملکتنک سلامت و سعادتنه بتون حیاتی وقف ایلمش
و او یولده فدای جانی کندینه وظیفه ایدنمش اولان مجاهد حریت مانیاسی زاده